

Ibuku rĩa Ngai kũrĩ ciana
nĩrĩrakũrehera



Mũirĩitu ũrĩa
Watũũriri
Maita Meerĩ



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Jairo aarĩ mūtongoria wa dini wa Ayahudi na ahoyaga
Ngai na akarutana kiugo kĩa Ngai kūrĩ andũ angĩ.
Mũthenya ũmwe, thĩina mũũru mũno ũgĩĩkĩka kūrĩ

Jairo. Mwarĩ endeete mũno,
wa mĩaka ikũmi na tĩrĩ
akĩrwara. Kuonekaga ta
hatarĩ mũndũ ũngĩahotire
kũmũteithia. Waarĩ
mũrimũ mũũru. Jairo
akĩmenya atĩ
mwarĩ nĩ gũkua
akuaga.




No mündũ ũmwe ũngĩateithirie mwarĩ wa Jairo.
Jairo agĩthĩ gwetha Jesũ na amũrehe gwake mũciĩ.
Nogũkorwo Jairo nĩamenyaga atĩ araata aake a
dini matingĩendire Jesũ.
No Jairo ndamakaga.



Nonginya
angĩethire
ũteithio naihenya
mwarĩ atanakua.



Jairo agĩkora Jesũ
arigicĩirio nĩ andũ.



Agĩturia maru
magũrũinĩ ma
Jesũ. Mũndũ
ũcio waarĩ
na thĩĩna
agĩthaitana,
"Mwarĩ wakwa
mũniini
akomeete arĩ
hakuĩ gũkua.
Ũka ũmũigĩrĩre
guoko nĩguo ahone,
na nĩagũtũũra."






Jesũ agĩthĩĩ na Jairo.
No matingĩahotire gũthĩĩ
naihenya nĩũndũ wa andũ
aingĩ. Nĩ haarĩ na
mũtumia waarĩ mũrwaru
mũno kahinda ka mĩaka
ikũmi na ĩĩrĩ. Nĩathĩĩte
kũrĩ arigitani othe
(na akahũthĩra mbeeca
ciake ciothe) atakuona
ũteithio. He, kaĩ
nĩendaga kuona Jesũ!





Mūtumia ũcio angĩekire atĩa?
Akiuga, "Korwo tu no hutie nguo
ciake, nĩngũhona." Agĩkuhĩrĩria
Jesũ. Agĩcooka agĩtambũrũkia
guoko gwake, akĩhutia nguo ya Jesũ.





Nĩ kĩama! NĨ KĨAMA!
Mũtumia ũcio akĩhona.
O rĩo! Biũ! Akĩmenya aarĩ
mwega, aarĩ na hinya na
aarĩ mũgima. No mũgambo
ũkĩaria. Jesũ akĩũria, "Nũũ
wahutia?" Andũ aingĩ nĩ
mahutĩĩtie Jesũ. No
mũtumia ũcio wahonetio
nĩamenyaga atĩ endaga
amwĩre ũguo. Arĩ na guoya
agĩtaariria rũgano ruothe.



O hĩndĩ ĩyo ndungata ĩgĩũka kuuma kwa Jairo mũciĩ.
Nogũkorwo thiũ ciao cĩarĩ na rũgano rwa kĩa
matanaaria. Makĩira Jairo, "Mwarĩguo nĩ mũkuũ."

Gũkua! Maarĩ acerere. Korwo tu
mũtumia ũcio ndamaikaririe ...

nogũkorwo, korwo ...
gũkua! Kairiitu kaniini
kendetwo ka Jairo
kaarĩ gakuũ. Rĩrĩa Jesũ
aiguire ũguo agĩcookia,
"Ndũgeetigĩre; ĩtĩkia tu,
na nĩakũhona." Waarĩ
ũndũ mũritũ atĩa kũrĩ
Jairo gwĩtĩkia Jesũ.
Mwarĩ nĩakuĩte.



Kũu mũcĩĩ andũ othe nĩkũrĩra marĩraga na gũcakaya
nĩũndũ wa kairĩĩtu. Jesũ akĩmeera, "Ndakuĩte,
nĩgũkoma akomeete." Makĩmũthekerera. Nĩmooĩ
atĩ kairĩĩtu nĩgakuĩte.




Jesũ akĩmaruta nja othe, akĩoya kairĩĩtu na guoko
na akiuga, "Kairĩĩtu, ũkĩra." Jairo aarĩ ho. Mũtunia
wake aarĩ ho, arutwo atatũ a Jesũ maarĩ ho. Othe
makĩĩgua ciugo cia Jesũ.
Hiihi kairĩĩtu gaaka gakuũ
o nako nĩgaciigwire?



Kairĩitu gaaka
gakuũ gakĩigua
ũrĩa Jesũ
athanire!
Muoyo wako
ũgĩcooka,
na gagĩũkĩra
o rĩo. Jesũ
nĩakariũkĩtie
kuuma
kũrĩ akuũ.



Aciari a kairĩĩtu makĩmaka. Jesũ akĩmeera mahe
kairĩĩtu kau kĩndũ gĩa kũrĩa. Maarĩ na gĩkeno kĩaana
atĩa; maarĩ na ngatho atĩa kũrĩ Jesũ. Wendo wake
wa magegania na hinya wake ũgĩcookia mwarĩ wao
kuuma kũrĩ gĩkuũ.



Mũirĩĩtu ũrĩa Watũũrĩre Maita Meerĩ

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Mariko 5, Luka 8

"Ciugo Ciaku ciatarĩrio nĩirehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

